



# COMUNU DE CABUDERRA

Tzitadi Metropolitana de Casteddu

---

## DELIBERATZIONI DE SA GIUNTA COMUNALI N. 53 DE SU 15/03/2023

OGETU: ADOTZIONI DE SU PROGRAMMA TRIENNALI DE IS TRABALLUS PÙBLICUS 2023/2025 E DE S'ELENCU ANNUALI DE IS TRABALLUS PO S'ANNU 2023 (ART. 21, D.LGS. N. 50/2016).

S' annu 2023, su 15 de su mesi de Martzu a ora de is 12.30, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

### ***Nòmmini e Sangunau***

Beniamino Garau  
Dessì Donatella  
Frongia Pietro  
Montis Giovanni  
Sorgia Silvia  
Solinas Marco  
Garone Katuscia

### ***Càrriga***

Sìndigu  
Assessori  
Assessori  
Assessori  
Assessori  
Assessori  
Assessori

### ***Presenti***

Eja  
Eja  
Eja  
Eja  
Eja  
Eja  
Eja

**Presentis: 7**

**Ausentis: 0**

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

---

## SA GIUNTA COMUNALI

**Biu** su D.Lgs. 18 de abrili 2016, n. 50 e pruschetotu s'articulu 21 chi narat:

- in su coma 1 previdit ca is aministratzionis agiudicadoras depant adotai su programa triennali de is traballus pùblicos e su programa biennali de is achistus de benis e servitzius;
- in su coma 3 previdit: “Su programa triennali de is traballus pùblicos e is aggiornamentus annualis acrarint is traballus cun valori de 100.000 èurus o prus, cun atributzioni de su còdixi ùnicu de progetu innui in s'articulu 11, de sa lei 16 de gennàrgiu 2003, n. 3, is traballus de cumentzai in sa primu annualidadi depint tenni s'inditu de is mèdius finantzàrius stantziaus in su stadu de previsionis o in su bilàntziu, o puru a disponimentu cunforma a contributus o resursas de su Stadu, de is regionis a statutu ordinàriu o de àterus entis pùblicos. Po is traballus de 1.000.000 de èurus o prus, po ddus insertai in s'elencu annuali, is aministratzionis aprovant a manera preventiva su progetu de fatibidadadi tècnica e econòmica”;

**Cunsiderau** s'art. 5, c. 4, de su D.M. MIT 16 de gennàrgiu 2018, n. 14 chi narat “Arrespetendi su chi previdit s'articulu 21, c. 1, segundu perìodu, de su Còdixi, aici puru de is tèrminis cunforma a is comas 5 e 6 de su pròpiu articulu, s'adotant su schema de su programa triennali de is traballus pùblicos e s'elencu annuali de is traballus pùblicos de su referenti responsàbili de su programa”;

**Biu** finas s'art. 5, c. 5, de su D.M. MIT 16 de gennàrgiu 2018, n. 14, chi previdit ca “Apustis de s'adotzioni, su programa triennali e s'elencu annuali ddus pùblicant in su perfilu de su cumitenti. Is aministratzionis podint permiti sa presentatzioni de cunsideratzionis eventualis in cabu de trinta diis de sa publicatzioni cunforma a su primu perìodu de custu coma etotu. S'aprovatzioni definitiva de su programa triennali, paris cun s'elencu annuali de is traballus, cun aggiornamentus eventualis, si fait in cabu de is trinta diis imbenientis a sa scadèntzia de is consultatzionis, o finas in ausèntzia de consultatzionis, in cabu de sessanta diis de sa publicatzioni cunforma a su primu perìodu de custu coma etotu”;

**Cunsiderau** s'art. 5, c. 6, de su D.M. MIT 16 de gennàrgiu 2018, n. 14;

**Biu** s'atu Sindacali n. 69 in dii 29/12/2022, cunforma a is dispositzionis atuativas e a sa lei n. 241/1990, ant nominau a s'ing. Enrico Concas comenti a responsàbili de sa “Proposta de Programa Triennali e Elencu annuali” po is annus 2023/2025;

**Biu** su schema de programa triennali de is traballus pùblicos 2023/2025 e s'elencu annuali de is traballus de s'annu 2023, aprontaus de s'ing. Enrico Concas in calidadi de responsàbili de sa programatzioni, cunforma a su programa triennali segundu su sistema a “scurrimentu” prevèdiu de sa lei, aici puru de is propostas e informatzionis de is responsàbilis de su protzedimentu e de is determinatzionis de sa Giunta Comunali: - Scheda A: Cuadru de is resursas chi serbint a cumpriri su programa; - Scheda B: Elencu de is òperas no cumpridas; - Scheda C: Elencu de is imòbilis disponìbilis; - Scheda D: Elencu de is interventus de su programa; - Scheda E: Interventus torraus a ponni in s'elencu annuali; - Scheda F: Elencu de is interventus presentis in s'elencu annuali de su programa triennali no cumentzaus;

**Liau a consideru** ca:

---

- su bilàntziu de previsionis bolit aprontau cunforma a su printzìpiu de sa cumpetèntzia potenziada e bolint assentaus is gastus cunforma a is esercìtzios de scadèntzia de s'obligatzioni;
- su Programa triennali de is traballus pùblicos, su programa biennali de is benis e servìtzios e is schemas aprovaus cun su M. MIT 16 de gennàrgiu 2018, n. 14, previdint chi is òperas bolint assentadas in is esercìtzios s'ingulus de sa programatzioni segundu is critèrius de su Decretu Ministeriali;

**Biu** su D.Lgs. 18 de abrili 2016, n. 50 e po su prus s'artìculu 21;

**Arremonaus:**

- su D.Lgs. n.118/2011, chi at aprovau sa riforma de s'ordinamentu contàbili de is regionis e de is entis localis connota comenti "armonizatzioni", e pruschetotu s'artìculu 1, c. 1, chi previdit s'intrada in vigèntzia de s'ordinamentu nou cumentzendi de su 1 de gennàrgiu 2015;
- su printzìpiu contàbili aplicau de sa contabilidadi finantziària (all. 4/2 a su D.lgs. n. 118 de su 23 de làmpadas 2011);

**Cunsiderau** ca su programa triennali de is traballus pùblicos e su programa biennali de benis e servìtzios e is aggiornamentus suos ddus ant comunicaus a is struturas e a is ufìtzios incarrigaus;

**Arriciu** parri a favori de parti de s'òrganu de revisioni econòmicu-finantziàriu, cunforma a s'artìculu 239 de su d.lgs. n. 267/2000;

**Cunsideraus** is artìculus 42 e 48, comas 2 e 3, de su D.lgs. 267/2000;

**Arriciu** parri a favori in contu de regularidadi tècnica cunforma a s'art. 49, c. 1, de su D.Lgs. n. 267/2000, de su Responsàbili de su Setori Traballus Pùblicos s' Ing. Concas;

**Arriciu** parri a favori de regularidadi contàbili cunforma a s'art. 49, c. 1, de su D.Lgs. n. 267/2000, de parti de sa Responsàbili de su Setori Finantziàriu Sa Dotora Cambiganu;

Cun votatzioni a favori e a totòmini cunforma a sa lei;

## DELÌBERAT

**De adotai**, cunforma a s'artìculu 21, c. 1 e 3, de su D.Lgs. n. 50/2016, aici puru a s'art. 5, c. 4, de su D.M. MIT 16 de gennàrgiu 2018, n. 14 su schema de su programa triennali de is òperas pùblicas de is annus 2023/2025 e s' elencu annuali 2023, cunforma a is schedas aprontadas segundu su D.M. MIT 16 de gennàrgiu 2018, n. 14;

**De publicai**, cunforma a s'art. 21, c. 7, de su D.Lgs. n. 50/2016, e a s'art. 5, c. 5, de su D.M. MIT 16 gennàrgiu 2018, n. 14, su programa triennali de is traballus pùblicos po assumancu 60 diis de s'ghida in s'Albu Pretòriu on-line de su Comune;

**De donai atu** chi su programa triennali de is traballus pùblicos paris cun s' elencu annuali de is traballus pùblicos:

a) de chi est passada sa scadèntzia at a essi aprovau de su Consillu Comunali e s'at a ponni in acàpiu a su bilàntziu de previsionis 2023/2025;

---

b) dd'at a podi mudai su Consillu Comunali cunforma a is cunsiderus arricius e a is normas arrelatadas a su finantziamentu de is investmentus;

**De decrarai** chi custu provedimentu at a balli luegus etotu, cunforma a s' artìculu 134, corriedda 4, de su d.Lgs. n. 267/2000.

---